

Broj: 02/03-28-5328/16-5

Sarajevo, 28.03.2017. godine

Zapisnik sa sastanka Privrednog/poslovnog savjeta Općine Novi Grad Sarajevo

Shodno Odluci Općinskog načelnika o formiranju Privrednog/poslovnog savjeta Općine Novi Grad Sarajevo broj 02/03-28-4231/16 od 11.02.2016. godine, dana 28.03.2017. godine sa početkom u 16:00 sati, održana je peta po redu sjednica pomenutog radnog tijela u prostorijama Općine Novi Grad Sarajevo. Sjednici su prisustvovali Semir Efendić - predsjednik privrednog/poslovnog savjeta, Erdal Trhulj – zamjenik predsjednika, Safudin Čengić – član, Muharem Šabić – član, , Džemaludin Kahrović – član i Mirela Bubalo – tehnički sekretar, opravdano odsutan – Hamed Ramić – član, Amer Bukvić – član, Rusmir Hrvić – član i Huso Ćesir – član. Na pomenutoj sjednici razmatran je slijedeći

DNEVNI RED

- 1) Usvajanje zapisnika sa prethodne sjednice Privrednog/poslovnog savjeta;
- 2) Razmatranje finalnog izvještaja evaluatora u procesu certificiranja Općine po SEE BFC standardu (posjeta verifikatora)
- 3) Učešće u reviziji Strategije razvoja Općine Novi Grad Sarajevo za period 2014-2020
- 4) Imenovanje člana ispred privrednog/poslovnog savjeta za plan zapošljavanja (LAPZ) i inicijative
- 5) Izvještaj, prijedlozi i inicijative na realizaciju aktivnosti podsticajnih mjera razvoja privrede u općini Novi Grad Sarajevo za 2017. godinu
- 6) Prijedlog sajamskih aktivnosti (Učešće na sajmovima u Mostaru i Gračanici)
- 7) Razno (inicijative privrednog/poslovnog savjeta)

1. Usvajanje zapisnika sa prethodne sjednice Privrednog/poslovnog savjeta

Zapisnik jednoglasno usvojen.

2. Razmatranje finalnog izvještaja evaluatora u procesu certificiranja Općine po SEE BFC standardu (posjeta verifikatora)

Izvještaj je podnio pomoćnik načelnika Službe za privredu i lokalni ekonomski razvoj Džemaludin Kahrović.

Savjetu je prezentovan dostavljeni izvještaj kojim je ocjenjena Općina Novi Grad Sarajevo po postavljenim kriterijima u procesu certifikacije gradova/opština sa povoljnim poslovnim okruženjem u Jugositočnoj Evropi, te su upoznati sa posjetom verifikatora koja je planirana.

3. Učešće u reviziji Strategije razvoja Općine Novi Grad Sarajevo za period 2014-2020

Prisutnima je prezentovan prijedlog revidirane Strategije razvoja Općine Novi Grad Sarajevo za period 2014-2020. Pojašnjen je pristup koji se koristio pri radu, te soritanje projekata prema 4 ranije utvrđena strateška cilja. Članovi Savjeta su se obavezali dostaviti svoje prijedloge i sugestije na isto.

4. Imenovanje člana ispred privrednog/poslovnog savjeta za plan zapošljavanja (LAPZ) i inicijative

Članovima savjeta je prezentovana Odluka o pristupanju izradi Lokalnog akcionog plana zapošljavanja za period 2017 – 2020 u cilju efikasnog planiranja i provedbe mjera za podsticaj zapošljavanju na lokalnom nivou koje će doprinjeti većem i održivom zapošljavanju, upoznati su sa zadatkom radnog tima koji je u narednom periodu potrebno formirati.

5. Izvještaj, prijedlozi i inicijative na realizaciju aktivnosti podsticajnih mjera razvoja privrede u općini Novi Grad Sarajevo za 2017. godinu

Članovi savjeta pozitivno su ocjenili sve podsticajne mjere razvoja privrede koje općinska administracija provodi. Primjetili su da je veliki dio podnesenih inicijativa sa sastanaka savjeta realizovan. Konstatovano je da iako ova blast nije u potpunoj nadležnosti lokalne zajednice Općina Novi Grad Sarajevo daje konkretne rezultate vidljive na terenu i iz ove oblasti, a sve zahvaljujući mjerama koje razvija i provodi.

6. Prijedlog sajamskih aktivnosti (Učešće na sajmovima u Mostaru i Gračanici)

Pomoćnik načelnika Službe za privredu i lokalni ekonomski razvoj Džemaludin Kahrović upoznao je članove savjeta sa dva nadolazeća sajma – Sajam gospodarstva u Mostaru i Sajam poduzetništva i obrta u Gračanici, te mogućnostima posjete istih.

Nakon diskusije prisutnih doneseni su slijedeći

Z a k l j u č c i

1. Provesti detaljnu analizu kriterija koji su slabije ocjenjeni prilikom certificiranja Općine po SEE BFC standardu, te pristupiti aktivnom radu na unapređenju tih oblasti.

2. Dostaviti prijedloge i sugestije na prijedlog revidirane strategije kako bi se isti uvažili i bili sastavni dio dokumenta.

3. Privredni/poslovni savjet imenuje Erdala Trhulja za člana radnog tima za pristupanje izradi Lokalnog akcionog plana zapošljavanja za period 2017 – 2020 (LAPZ).

4. Zadužuje se Služba za privredu i lokalni ekonomski razvoj da organizuje članove privrednog/poslovnog savjeta, te privrednike za područja općine Novi Grad Sarajevo za posjetu sajmovima u Mostaru i Gračanici.


Sjednica je završena u 17:30 sati

Zapisnik vodila: Mirela Bubalo

DOSTAVITI:

1. Predsjedniku Privrednog/poslovnog savjeta
2. Zamjeniku predsjednika Privrednog/poslovnog savjeta
3. Tehničkom sekretaru Privrednog/poslovnog savjeta
3. Članovima Privrednog/poslovnog savjeta x 6
4. Arhivi

Predsjednik Privrednog/poslovnog savjeta


mr. Semir Efendić